



Tuhaqtitjutikhaq

Qilamik Takuyauyukhaq

Qulliq Alruyaqtuqtunik Ikumadjutiit aulatitinaqtun LEDnik apqunmi qullikhangit havaaqhangit Nunavunmi

IQALUIT, Nunavut (Qiqaiyarvia 22, 2017) – Qulliq Alruyaqtuqtunik Ikumadjutiit (QEC) quviahuktun tuhaqtitiyaangat taima himautiniaqtun tamaita aulahimayunik apqunmi qullingit talvani Iqalungni, Kangiqlinirmi, Iqaluktuutiaqmi, Kugluktukmilu taima atuqpalaangitunik ikumadjutikharnik ihuatqiyauyut LEDnik (Light Emitting Diode) apqutingni qullit taima nuungutinani 2017.

Tamna ihumaliurutikhaq himigianganik LEDnun qullinik naunairutikhaq havaaqhaq aulayukharnik aulatitivakhimayuuq 2015mi taima uktuutiqaqtuuq aulavikhangit qaffiuyunaqtuq ikumadjutigiluangitunik apqutingni qullit pidjutikhangit.

"Quviahukpiaqtunga taima QECkut aulatitivaktainik uminga avatiliqinikkut ihuatqiyauyuuq atuqtauyukhaq taima tapkuat LEDngit maningnik atuqpalaayuitugaluaq hivunirmun, ikikliyumiqtitivakhimayut atuqtangit aulavikhangit ihuaqyumiqtitiyaangatlu apqutingnik qayangnairutikharnik," uqaqtuuq Nangariyauyuuq Johnny Mike, Minista munagiyuuq Qulliq Alruyaqtuqtunik Ikumadjutiit. "Iitagiumayatkalu Nunaqaqqakhimayut Tununganirmi Hulilukaaktunik Kanatami ikayuutihimaaqtamingnik QEC-kut alruyaqtuqtunikharnik munagidjutikharnik ikayugianganik ihuaqyumiqtitiyaangat Nunavutim apqutit qullikhangit hanaqidjutikharnik."

LEDnik apqutit qullit aituhihimaqtun qaffiuyunik pidjutikharnik talvanga atuqtauluaqtunik apqutit qullingit. Tapkuninga alruyaqtuqtunik maningnik atulluangitunik, LEDngit ikumadjutikhangit tallimanik avatqutigivakhimayut atuqtauluaqtuniklu qullinik, taima maningnik atuqtauluaqhimaitaangat auladjutikharnik ihuaqhaidjutikharniklu akingitni. LEDngit qaumatqiyauyut taima ihuaqyumiqtitivakhuni tautugianganik apqutingni ukiungugaangat.

"Ikumadjutiit munagidjutikhangit naunaituuq hanaqidjutikhaq talvuuna QECkut hanaqidjutikhangit hivunikhait ikayuutigiyaaangat Nunavutim ikumadjutikhangit atuqtauhimaaqtunik mamaituniklu puyuuq puyuuqhimaqtun. Quviahuktugut taima hivutunikhangit LEDngit apqutingni qullikhangit havaaqhat allanun nunalaanun upalungairutikharnik aulahimaagianganik hivutunikharnik uminga havaaqhat ilanun Nunavunmi," uqaqtuuq Bruno Pereira Angiyuqaak Aulapkaiyiluaq talvani QECkutni.

QECkut aulahimaaqtun qinihiaplutik nuutaanik hanaqidjutikharnik angikliyumiqtitiyaangat ihuaqtunik ikumadjutikharnik ikihimatilunik naunaiyaiyaangatlu ihuatqiyauyuuq maningnun atuqtauniit munagidjutikharngitlu ikumadjutiit hivunikhangit Nunavunmi.

###

Tuhaqtitiliqiyuuq Hivayaqlugu:



ᑭᓄᓐ ᓄᓇᓂᓄᓐ ᓄᓇᓂᓄᓐ
Qulliq Energy Corporation
Société d'énergie Qulliq
Qulliq Alryaktuqtunik Ikumadjutiit

Sheila Papa

Atanguyaq, Maniliqivingmi Tuhaqtihimaaqtunik

Qulliq Alryaktuqtunik Ikumadjutiit

(867) 979-7534

spapa@qec.nu.ca